



Sabtu – 22 Mei 2021

Halaman : 32

## Iman agih sumbangan kepada Orang Asli Gombak

**SUMBANGAN.** Sebanyak 20 keluarga mualaf Orang Asli di sekitar Gombak menerima sumbangan Hari Raya Aidilfitri daripada Pergerakan Wirawati Parti Perikatan India Muslim Nasional (Iman) baru-baru ini.

Sumbangan berbentuk barang keperluan asas serta makanan itu telah diserahkan oleh Ketua Wirawati Iman Kebangsaan dan Wilayah, Izzah Hanim Ismail.

Menurut Izzah Hanim, sumbangan tersebut adalah untuk membantu golongan mualaf Orang Asli di kawasan

tersebut bagi mengurangkan beban hidup mereka ketika penularan Covid-19.

“Program bersama Orang Asli ini adalah yang kali pertama kita adakan dan bantuan seperti ini akan diperluaskan lagi di beberapa kawasan dan negeri dalam tempoh terdekat.

“Kami faham ketika ini ramai yang terkesan akibat pandemik Covid-19, justeru dengan sedikit bantuan daripada kami ini dapatlah mereka membuat persiapan untuk menyambut Aidilfitri,” katanya.



IZZAH (dua dari kiri) menyampaikan sumbangan kepada seorang wakil keluarga mualaf Orang Asli di sekitar Gombak baru-baru ini.